



02 მაისი, 2024 წ

ბრძანება N 01-02/58

2024-2025 სასწავლო წლისთვის ანუეს უნივერსიტეტში საერთაშორისო  
მობილობისთვის ბსუ-ს აკადემიური/მოწვეული და ადმინისტრაციული  
პერსონალის გამოსავლენად კონკურსის გამოცხადების შესახებ

„უმაღლესი განათლების შესახებ“ კანონის 22-ე მუხლის, ბსუ-ს წესდების მე-13 მუხლის, „საერთაშორისო გაცვლითი პროგრამების ადმინისტრირების წესის დამტკიცების შესახებ“ ბსუ-ს აკადემიური საბჭოს 2019 წლის 14 აგვისტოს №01-06/89 დადგენილების, ევროკომისიის მიერ დაფინანსებული „ERASMUS+“ გაცვლითი პროექტისა და ბსუ-ს სტრატეგიული განვითარებისა და საერთაშორისო ურთიერთობების დეპარტამენტის უფროსის სამსახურებრივი ბარათის (01.05.2024 წლის №488713) საფუძველზე

ვბრძანებ:

1. 2024-2025 სასწავლო წლისათვის „ერაზმუს+“ გაცვლითი პროგრამის ფარგლებში ანუეს (საფრანგეთი) უნივერსიტეტში, ბსუ-ს ტურიზმის მიმართულების საერთაშორისო მობილობის მონაწილე 1 აკადემიური/მოწვეული და 1 ადმინისტრაციული პერსონალის გამოსავლენად გამოცხადდეს კონკურსი და განისაზღვროს შემდეგი ვადები და კრიტერიუმები:
  - 1.1. კონკურსში მონაწილეობის მსურველთა მიერ წარმოდგენილი საკონკურსო დოკუმენტაციის (ბსუ-ს აკადემიური საბჭოს 2019 წლის 14 აგვისტოს N06-01/89 დადგენილებით განსაზღვრული) მიღება - 2024 წლის 02 მაისიდან - 16 მაისის ჩათვლით 15:00 საათამდე:
    - ა) აკადემიური/ადმინისტრაციული პერსონალის მიერ - ელექტრონულად, შემდეგ ბმულზე - <https://registration.bsu.ge/Registration-2.php> და საქმისწარმოების ელექტრონული სისტემის (eflow-ს) მეშვეობით;
    - ბ) მოწვეული მასწავლებელთა პერსონალის მიერ - ელექტრონულად, შემდეგ ბმულზე - <https://registration.bsu.ge/Registration-2.php> და ელექტრონულ ფოსტაზე [info@bsu.edu.ge](mailto:info@bsu.edu.ge);
  - 1.2 საბუთების შემოწმება და შეფასება - 2024 წლის 16 მაისი -17:00 საათი (საბუთების შემოწმებასა და შეფასებას დადგენილი კრიტერიუმების მიხედვით უზრუნველყოფს სტრატეგიული განვითარებისა და საერთაშორისო ურთიერთობების დეპარტამენტი);
  - 1.3. გასაუბრება კომისიასთან - 2024 წლის 17 მაისი, 15:00 საათი;
  - 1.4. ბსუ-ში ჩატარებული კონკურსის შედეგად ნომინირებული კანდიდატების შესახებ ინფორმაციის მიწოდება მიმღები უნივერსიტეტებისათვის - არაუგვიანეს 2024 წლის 17 მაისი.

2. დამტკიცდეს წინამდებარე ბრძანებით გამოცხადებული კონკურსის ჩატარების მიზნით საკონკურსო კომისიის შემადგენლობა:

ა) მერაბ ხალვაში - თავმჯდომარე, რექტორი;

ბ) თამარ სირაძე - რექტორის მოადგილე;

გ) ვლადიმერ ლლონტი - ხარისხის უზრუნველყოფის სამსახურის ხელმძღვანელი;

დ) მარინე გიორგაძე - სტრატეგიული განვითარებისა და საერთაშორისო ურთიერთობების დეპარტამენტის უფროსი;

ე) ნანა ყურშუბაძე - სტრატეგიული განვითარებისა და საერთაშორისო ურთიერთობების დეპარტამენტის უფროსის მოადგილე, ერაზმუს+ კოორდინატორი ბსუ-ში.

3. კონკურსის წესით შერჩევა განხორციელდეს ბსუ-ს აკადემიური საბჭოს 2019 წლის 14 აგვისტოს N06-01/89 დადგენილებით დამტკიცებული „საერთაშორისო გაცვლითი პროგრამების ადმინისტრირების წესით“ და წინამდებარე ბრძანების შესაბამისად.

4. ბრძანება გამოქვეყნდეს ბსუ-ს ვებგვერდზე.

5. წინამდებარე ბრძანებით გამოცხადებული კონკურსის შესახებ განცხადების ტექსტი მომზადდეს სტრატეგიული განვითარებისა და საერთაშორისო ურთიერთობების დეპარტამენტის მიერ და გაეგზავნოს საინფორმაციო ტექნოლოგიების სამსახურს - ბსუ-ს ვებგვერდზე განთავსებისათვის, ხოლო სასწავლო პროცესის დეპარტამენტს - ბსუ-ს პორტალზე განთავსებისათვის.

6. ბრძანება სახელმძღვანელოდ და აღსასრულებლად დაეგზავნოს რექტორის აპარატს, ადმინისტრაციის ხელმძღვანელს, რექტორის მოადგილეებს, ხარისხის უზრუნველყოფის სამსახურს, ფაკულტეტებს, სასწავლო პროცესის დეპარტამენტს, სტრატეგიული განვითარებისა და საერთაშორისო ურთიერთობების დეპარტამენტს, საინფორმაციო ტექნოლოგიების სამსახურს და კომისიის წევრებს.

7. ბრძანება ძალაშია ხელმოწერისთანავე.

8. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში ( მის: ქ. ბათუმი, ს. ზუბალაშვილის ქN30).

რექტორი, პროფესორი



მერაბ ხალვაში